

**UGOVOR
O JAVNOJ NABAVCI USLUGA**

Zaključen dana 18.02.2019. godine u Sarajevu između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Osiguranik**), koga zastupa Direktor Preduzeća **mr.sci. Nermin Demirović, dipl.ing.šum.**

i
Društvo za osiguranje SARAJEVO-OSIGURANJE dioničko društvo Sarajevo, sa sjedištem u Sarajevu, ul. Maršala Tita br. 29, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-18-008435 od 01.10.2018. godine; identifikacioni broj: 4200326930001; PDV broj: 200326930001 (u daljem tekstu: **Osiguravač**) koga zastupa **Kulić Arif, direktor.**

(u daljem tekstu : **Ugovorne strane**)

Član 1.

Predmet ovog Ugovora je javna nabavka usluga za potrebe Osiguranika u 2019. godini, i to:

Lot 4. -Osiguranje odgovornosti iz djelatnosti za štete pričinjene trećim licima i stvarima i odgovornost za štete pričinjene vlastitim uposlenicima

a u svemu prema ponudi Osiguravača protokolisanom kod Osiguranika pod brojem: 0103-2592-8/18 od 27.11.2018. godine i obrascu za cijenu ponude koji su prilog ovog Ugovora i njegov sastavni dio.

Ukupna vrijednost robe iz prethodnog stava iznosi **10.725,07 KM**, bez uključenog iznosa pripadajućih indirektnih poreza, odnosno PDV-a.

Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga, broj:0103-2592/18 za Lot 4. Osiguranje odgovornosti iz djelatnosti za štete pričinjene trećim licima i stvarima i odgovornost za štete pričinjene vlastitim uposlenicima, broj: 0103-2592-13/18 od 27.11.2018. godine, Zapisnika o pregledu i ocjeni ponuda, broj:0103-2592-23/18 od 17.01.2019. godine, pravosnažne Odluke o izboru najpovoljnijeg ponuđača, broj:0103-2592-24/18 od 28.01.2019. godine i Odluke Nadzornog odbora Osiguranika, broj:0102-2592-6/18 od 26.10.2018. godine.

Član 3.

Osiguravač se obavezuje da u skladu sa prihvaćenom ponudom, broj: 0103-2592-8/18 od 27.11.2018. godine dostavi police osiguranja po općim i posebnim uslovima osiguranja za svaki osigurani slučaj iz člana 1. ovog Ugovora i to odmah po potpisivanju Ugovora. Pojedinačne police osiguranja sa opštim i posebnim uslovima osiguranja iz prethodnog stava potpisuju obje ugovorne strane i sastavni su dio ovog ugovora.

Član 4.

Osiguravač se obavezuje da će naknadu štete u skladu sa ovim Ugovorom i Policom osiguranja isplaćivati u roku od 1 (jednog) dana od dana prijema zahtjeva Ugovornog organa, odnosno kompletiranja dokumentacije, a u skladu sa Izjavom koju je dostavio u ponudi broj: 0103-2592-8/18 od 27.11.2018. godine.

Član 5.

U slučaju kašnjenja u isporuci usluga, do kojeg je došlo krivicom Osiguravača, isti će platiti ugovornu kaznu u skladu sa Zakonom o obligacionim odnosima u iznosu od 1 % Osiguraniku (vrijednosti ugovorenih usluga) za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupne ugovorene vrijednosti predmetnih usluga. Osiguravač je dužan platiti ugovornu kaznu u roku od 7 dana od dana primanja zahtjeva za plaćanje od strane Osiguranika.

Član 6.

Ugovorne strane su saglasne da su prihvaćene jedinične cijene koje je Osiguravač dao u svojoj ponudi bez uračunatog PDV-a i da su iste nepromjenljive u skladu sa Izjavom datom ponudi broj: 0103-2592-8/18 od 27.11.2018. godine.

Član 7.

Osiguravač se obavezuje da će u roku od 15 (petnaest) dana od potpisivanja ovog Ugovora dostaviti bezuslovnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke, koja će poslužiti za pokrivanje svake štete i troškova koje Osiguranik može imati

Ukoliko Osiguravač prekrši Ugovor od potpisivanja do njegovog ispunjenja u cjelosti. Garancija treba da bude validna na period trajanja ugovora plus 30 dana. Ukoliko Osiguravač ne dostavi безусловnu garanciju, zaključen ugovor će se smatrati apsolutno ništavim.

Član 8.

Ugovorne strane su saglasne da Osiguranik Osiguravaču premije osiguranja iz člana 1. ovog Ugovora plati u roku od 60 (šezdeset) dana od dana ispostave fakture za izvršene usluge .

Plaćanje će se vršiti na transakcijski račun Osiguravača, broj: 1990490106232022 otvoren kod Sparkasse banke.

Član 9.

Za realizaciju ovog Ugovora u ime Osiguranika zadužuje se Izvršni direktor Oblasti za opšte poslove.

Član 10.

Za praćenje realizacije ovog Ugovora u ime Osiguranika zadužuje se Služba za marketing i komercijalne poslove.

Član 11.

Osiguravač u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Osiguranika, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 12.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

Član 13.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 14.

Ovaj Ugovor se zaključuje na određeno vrijeme u trajanju od 31.12.2018.godine do 31.12.2019.godine, a stupa na snagu danom potpisivanja.

Član 15.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Osiguranik, a 2 (dva) primjerka Osiguravač za svoje potrebe.

Za Osiguravača
Direktor

Kulić Arif



Za Osiguranika
Direktor

sci. Nermin Demirović, dipl.ing.šum.

Izvršni direktor Oblasti za šumarstvo

Proha Adnan, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.

Broj: 01-860/19
Datum: 22.2.2019. godine

Broj: 0103-2592-32/18
Datum: 18.02.2019. godine